



STATE OF MINNESOTA
Office of Minnesota Secretary of State
Steve Simon

Phau Ntawv Qhia Mus Koom Kev Pov Npav 2025

*Coj tus cwj pwm li niaj zaos uas Minnesota yog tus los pov npav coob tshaj plaws.
Siv cov lus thiab cov link uas yuav yooj yim siv rau koj cov lus qhia nrog cov neeg ua hauj lwm thiab cov ntawv tshaj
tawm hauv online.
Mus rau ntawm mnvotes.gov kom paub tag nrho cov ntaub ntawv txog kev pov npav.
Tiv tauj [Melanie Hazelip](https://www.mn.gov/contact), 612-327-1621, yog xav paub ntshiv los sis yog muaj lus nug.*

Nyob zoo rau cov pej xeeb hauv Minnesota,

Lub luag hauj lwm ntawm pej xeeb thiab kev pov npav tsis tu ncuu rau cov xyoo khib. Xyoo 2025, cov neeg nyob thoob plaws Minnesota yuav mus pov npav rau cov kev xaiv tsa hauv zej zog thiab hauv nroog — cov kev txiav txim siab uas cuam tshuam ncaj qha rau koj lub neej niaj hnub niaj no. Vim feem ntau muaj tsawg tus neeg mus pov npav rau cov kev xaiv tsa no, txhua daim npav tshwj xeeb thiab muaj nuj nqi heev.

Txhawm rau kom pab tau koj tshaj tawm cov ntaub ntawv rau hauv koj lub zej zog, kuv lub chaw hauj lwm tau tsim ib qho phiaj xwm ncaj ncees uas pab qhia txog kev pov npav, suav nrog phau ntawv qhia no. Koj hloov tau cov lus qauv hauv no raws li qhov koj xav tau, thiab qhia mus rau lwm tus kom coob. Minnesota yeej ib txwm yog lub xeev uas muaj coob tus neeg pov npav tshaj plaws hauv lub teb chaws, thiaj ua rau peb lub xeev yog ib qho chaw zoo tshaj thiab xis nyob kawg nkaus. Ua tsaug rau koj txoj kev koom tes los txhawb peb lub teb chaws kom ywj pheej.

Ua tsaug,

Steve Simon, Minnesota Secretary of State

Cov Ntsiab Lus Nyob Hauv Phauj Ntawv No

Seem 1: Cov Lus Hais Tseem Ceeb

Kev Xaiv Tsa Tshwj Xeeb, nplooj ntawv 2
National Voter Registration Day, Hnub Tim 17 Lub Cuaj
Hli, nplooj ntawv 4
Kev Pov Npav Ua Ntej, Hnub Tim 20 Lub Cuaj Hli, nplooj
ntawv 5
Npaj Teem Ib Qho Sij Hawm Mus Pov Npav, Hnub Tim 29 Lub Kaum Hli, nplooj ntawv 6
Hnub Xaiv Tsa, Hnub Tim 4 Lub Kaum Ib Hli,

Seem 2: Lwm Yam Tswv Yim Siv Los Tshaj Tawm , nplooj ntawv 7

Seem 3: Lwm Yam Lus Hais Los Pab Sib Txuas Lus, nplooj ntawv 8

Seem 4: Social Media thiab Duab, nplooj ntawv 8

Kev Xaiv Tsa Tshwj Xeeb

Muaj cov kev xaiv tsa tshwj xeeb thoob plaws hauv lub xeev thaum lub caij nplooj ntoos hlav no. Yog tias koj nyob los sis ua hauj lwm hauv ze ntawm cov nroog hauv qab no, thov pab qhia cov lus no rau koj lub zej zog kom lawv paub cov ntaub ntawv txog kev koom tes los pov npav.

Hnub Tim 11 Lub Peb Hlis Xyoo 2025

- [Kev Xaiv Tsa Tshwj Xeeb Rau Lub Nroog Legislative District 40B](#) (qhov chaw seem)

Hnub Tim 8 Lub Plaub Hlis Xyoo 2025

- Kev Xaiv Tsa Tshwj Xeeb Rau Tus Commisioner Ntawm Itasca County Cheeb Tsam 4 (Qhov Chaw Seem)
- Kev Xaiv Tsa Tshwj Xeeb Rau Lub Nroog Aldrich (Qhov Chaw Seem)
- Kev Xaiv Tsa Tshwj Xeeb Rau Lub Nroog Baldwin (Lus Nug)
- Kev Xaiv Tsa Tshwj Xeeb Rau Lub Nroog Benson (Qhov Chaw Seem)
- Kev Xaiv Tsa Tshwj Xeeb Ntxov hauv Lub Nroog Isanti (Qhov Chaw Seem)
- Kev Xaiv Tsa Tshwj Xeeb Rau Lub Nroog Rose Creek (Qhov Chaw Seem)
- Kev Xaiv Tsa Tshwj Xeeb Rau Lub Nroog Two Harbors (Qhov Chaw Seem)
- Kev Xaiv Tsa Tshwj Xeeb Rau Lub Nroog Stately Township (Lus Nug)
- Kev Xaiv Tsa Tshwj Xeeb Hauv Cheeb Tsam Kawm Ntawv ISD 186 - Pequot Lakes (Lus Nug)
- Kev Xaiv Tsa Tshwj Xeeb Hauv Cheeb Tsam Kawm Ntawv ISD 213 - Osakis (Lus Nug)
- Kev Xaiv Tsa Tshwj Xeeb Hauv Cheeb Tsam Kawm Ntawv ISD 238 - Mabel-Canton (Lus Nug)
- Kev Xaiv Tsa Tshwj Xeeb Hauv Cheeb Tsam Kawm Ntawv ISD 308 - Nevis (Lus Nug)
- Kev Xaiv Tsa Tshwj Xeeb Hauv Cheeb Tsam Kawm Ntawv ISD 742 - St Cloud Area (Lus Nug)
- Kev Xaiv Tsa Tshwj Xeeb Hauv Cheeb Tsam Kawm Ntawv ISD 2174 - Pine River-Backus (Lus Nug)
- Kev Xaiv Tsa Tshwj Xeeb Hauv Cheeb Tsam Kawm Ntawv ISD 2769 - Morris Area (Qhov Chaw Seem)
- Kev Xaiv Tsa Tshwj Xeeb Hauv Cheeb Tsam Kawm Ntawv ISD 2909 - Rock Ridge (Qhov Chaw Seem)

Hnub Tim 13 Lub Tsib Hlis Xyoo 2025

- Kev Xaiv Tsa Tshwj Xeeb Rau Tus Commisioner Ntawm Traverse County Cheeb Tsam 3 (Qhov Chaw Seem)
- Kev Xaiv Tsa Tshwj Xeeb Rau Lub Nroog Orono (Qhov Chaw Seem)
- Kev Xaiv Tsa Tshwj Xeeb Rau Lub Nroog Unorg. Township 63-17 (Lus Nug)
- Kev Xaiv Tsa Tshwj Xeeb Hauv Cheeb Tsam Kawm Ntawv ISD 177 - Windom (Lus Nug)
- Kev Xaiv Tsa Tshwj Xeeb Hauv Cheeb Tsam Kawm Ntawv ISD 2137 - Kingsland (Lus Nug)
- Kev Xaiv Tsa Tshwj Xeeb Hauv Cheeb Tsam Kawm Ntawv ISD 2144 - Chisago Lakes (Lus Nug)
- Kev Xaiv Tsa Tshwj Xeeb Hauv Cheeb Tsam Kawm Ntawv ISD 2754 - Cedar Mountain (Lus Nug)

Hnub Tim 12 Lub Yim Hli Xyoo 2025

- Kev Xaiv Tsa Tshwj Xeeb Rau Lub Nroog Isanti (Qhov Chaw Seem)

Hnub Kev Xaiv Tsa Tshwj Xeeb

Feem coob ntawm cov kev xaiv tsa tshwj xeeb tsuas pub ua rau ib hnub ntawm tsib hnub no xwb:

- Hnub Tuesday thib ob hauv Lub Ob Hlis
- Hnub Tuesday thib ob hauv Lub Plaub Hlis
- Hnub Tuesday thib ob hauv Lub Tsib Hlis
- Hnub Tuesday thib ob hauv Lub Yim Hli
- Thawj Hnub Tuesday tom qab thawj hnub Monday hauv Lub Kaum Ib Hli

Cov Lus Tseem Ceeb uas Pom Zoo Siv

Kab Lus Rau Ntawm Daim Ntawv: Ceeb Toom Kev Xaiv Tsa Tshwj Xeeb!

Lus Pom Zoo Rau Hauv Tsab Xov Xwm los sis Email:

Nyob zoo [recipients name],

Txawm tias xyoo no yog xyoo 2025 los yeej muaj kev pov npav xaiv tsa! Koj puas paub tias yuav muaj **Kev Xaiv Tsa Tshwj Xeeb** hauv koj qhov cheeb tsam rau [insert election date]?

Kev xaiv tsa tshwj xeeb pab xaiv cov thawj coj tuav cov luag hauj lwm txiav txim txog cov ntsiab lus tshuam rau kev pov npav. Kev xaiv tsa tshwj xeeb ib xyoo no tuaj yeem tshwm sim thaum twg los tau los sis nws kuj tshwm sim tau rau tib lub sijhawm xaiv tsa li txhia niaj txhia zaus. Cov kev xaiv tsa no cuam tshuam ncaj qha rau koj lub zej zog thiab cov teeb meem hauv zos uas muaj feem xyuam rau koj lub neej txhua hnuv.

Xyuas kom koj npaj txhij mus pov npav! Mus rau ntawm mnvotes.gov saib seb koj puas muaj npe pov npav thiab tiv tauj koj [qhov cheeb tsam xaiv tsa hauv zos](#) kom paub meej txog cov chaw hauj lwm uas khoob los sis cov lus nug hauv daim ntawv pov npav.

Ua ib tug neeg pov npav—kom koj lub suab nrov!

Lus Pom Zoo Rau Kev Tshaj Tawm Hauv Social Media:

🔔 Ceeb Toom Txog Kev Xaiv Tsa Tshwj Xeeb! Yuav muaj kev xaiv tsa tshwj xeeb hauv zos nyob rau koj qhov cheeb tsam tsis ntev no. Mus rau mnvotes.gov, hu rau 877-600-VOTE, los sis xa ntawv mus rau 651-217-3862 kom paub ntxiv. 🔔

Cov Duab Siv Hauv Social Media:



National Voter Registration Day

Los siv National Voter Registration Day (Hnub Tim 16 Lub Cuaj Hli Xyoo 2025) los koom nrog koj lub zej zog—cov zej zog nyob ib ncig, cov phooj ywg ua hauj lwm, cov neeg ua hauj lwm, thiab lwm leej lwm tus—kom lawv koom nrog hauv txoj kev pov npav. **Npaj thiab faib koj cov ntaub ntawv tshaj tawm ua ntej Hnub Tim 15 Lub Cuaj Hli** kom tau qhov zoo tshaj plaws thiab txhawb kom muaj kev koom tes.

Cov Lus Rau Tsab Email:

Kab lus: Npaj rau National Voter Registration Day!

Nyob zoo [insert recipient],

Hnub Tim 16 Lub Cuaj Hli yog Hnub Cuv Npe Ua Tus Pov Npav Hauv Teb Chaws—npaj txhij mus pov npav! Thawj kauj ruam yog xyuas kom tseeb tias koj tau cuv npe ua ib tug pov npav hauv Minnesota. Yog tias koj tsis tau pov npav dua hauv Minnesota, nyuam qhuav tsiv, tau hloov koj lub npe, los sis tsis tau mus pov npav tau plaub lub xyos dhau los lawm, tam sim no yog lub sij hawm los mus [cuv npe](#).

Tiam sis qhov ntawd tsuas yog qhov pib xwb. Koj puas paub tias koj tuaj yeem mus [pov npav ua ntej hnub xaiv tsa](#)? Yog koj twb npaj siab yuav tawm nroog ua ntej Hnub Xaiv Tsa (Hnub Tim 4 Lub Kaum Ib Hli) los sis xus [xa koj daim ntawv pov npav](#), mus ua daim ntawv thov pov npav absentee hnub no. Tsis hais tias seb koj yuav pov npav txoj kev twg, xyuas kom koj lub suab raug hnov. Tiv tauj koj [ghov cheeb tsam xaiv tsa](#) kom thov tau daim ntawv pov npav absentee.

Thiab tsis txhob hnov qab—cov hluas muaj hnub nyoog 16 thiab 17 xyos kuj tseem muaj peev xwm [cuv npe ua ntej](#), kom npaj tau thaum lub sij hawm los txog!

Cia peb ua kom peb cov suab muaj nuj nqis!

Lus Pom Zoo Rau Kev Tshaj Tawm Hauv:

🔔 Hnub No Yog National Voter Registration Day. 🔔 [Cuv npe mus pov npav](#) rau qhov kev xaiv tsa tom ntej, hnub no!

✓ Npaj txhij mus pov npav rau cov kev xaiv tsa hauv zos uas tab tom yuav los tom ntej no. Mus rau ntawm [mnvotes.gov](#) kom xyuas seb koj puas tau cuv npe. Yog tias koj tsis tau cuv npe, nyuam qhuav tsiv, los sis tau hloov koj lub npe—cuv npe HNUB NO. 🗳️

🗳️ Tsis txhob hnov qab—cov hluas muaj hnub nyoog 16 thiab 17 xyos kuj tseem muaj peev xwm [cuv npe ua ntej](#)!

#NationalVoterRegistrationDay #MNVotes #YourVoteYourVoice

Cov Lus Pom Zoo Rau Tsab Xov Xwm Tshiab Uas Yuav Tso Tawm

Hnub National Voter Registration Day

Hnub Tuesday, Hnub Tim 16 Lub Cuaj Hli yog **National Voter Registration Day**. Koj puas npaj txhij los mus pov npav rau kev xaiv tsa hauv zos uas yuav los tom ntej no? Thawj kauj ruam: [Xyuas seb koj puas](#)

[tau cuv npe](#). Yog tias koj tsis tau pov npav dua hauv Minnesota, nyuam qhuav tsiv, nyuam qhuav hloov koj lub npe, los sis tsis tau mus pov npav tau ntau tshaj plaub xyos lawm, koj yuav tsum [mus cuv npe pov npav](#).

Kauj ruam ob: [Mus cuv npe](#), yog tsim nyog. Qhov no tsuas siv ob peb nas thiv xwb thiab koj ua tau hauv xov tooj, computer, los sis xa ntawv. Txawm hais tias koj muaj peev xwm mus cuv npe rau hnuv xaiv tsa ntawm qhov chaw pov npav hauv Minnesota, koj yuav zam tau kev tos ntev thiab txuag tau sij hawm yog koj ua tam sim no.

Kauj ruam peb: [Mus xyuas koj daim ntawv pov npav](#) thiab pib xav txog koj qhov kev xaiv.

Xyoo no muaj kev xaiv tsa hauv zos thoob plaws Minnesota. Kev xaiv tsa hauv zos yog ib qho tseem ceeb hauv kev txiav txim txog cov kev pab tseem ceeb, xws li kev nyab xeeb rau pej xeem, kev kawm ntawv, kev thauj mus los, thiab kev huv. Tsis txhob tso tseg lub sij hawm tseem ceeb no pov tseg!

Feem ntau kev xaiv tsa hauv zos muaj neeg tuaj pov npav tsawg dua piv rau kev xaiv tsa thoob xeev los sis hauv teb chaws. Qhov no txhais tau tias koj daim ntawv pov npav yuav muaj nqis ntau dua thiab yuav pab tau los hloov tau qhov tshwm sim ntawm kev xaiv tsa. Koj daim ntawv pov npav muaj nuj nqis.

[Tiv tauj koj qhov chaw xaiv tsa hauv zos](#) kom paub ntxiv. Yog tias koj muaj lwm yam lus nug txog kev xaiv tsa, mus saib ntawm [mnvotes.gov](#).

Cov Ntaub Ntawv Pab Txhawb Ntxiv:

Daim yeeb yaj kiab [Cia Peb Npaj Mus Pov Npav](#), muaj txhais ua lus [Hmoob](#), [Somali](#) thiab [Mev](#).

Daim ntawv qhia txog [Yuav Pov Npav Li Cas](#). Txhawb nqa tsab email nrog cov ntaub ntawv no tso rau hauv chaw so ntawm cov neeg ua hauj lwm. Koj tuaj yeem luam tau tawm koj tus kheej los sis xaj kom luam ntau daim yam tsis tau them dab tsi li; [muab txhais ua 11 hom lus](#).

Qhov Kev Xaiv Tsa Loj

Qhov kev xaiv tsa loj yog ib feem tseem ceeb ntawm kev ywj pheej. Lawv pab txiav txim seb cov neeg sib tw twg yuav muaj npe nyob rau daim ntawv pov npav thaum lub Kaum Ib Hlis thiab muab lub caij rau koj xaiv tus neeg uas phim koj tej kev ntseeg tshaj. Pab kom cov neeg hauv koj zej zog tuaj koom los ntawm kev xa cov lus hauv qab no ua ntej Hnub Tim 12 Lub Yim Hli.

Cov Lus Pom Zoo Rau Tsa Email:

Kab lus: Ua Kom Koj Lub Suab Raug Hnov Hauv Minnesota Qhov Kev Xaiv Tsa Loj Nyob Rau Xyoo 2025!

Nyob zoo[First Name],

Minnesota ib txwm nrov npe hais txog kev koom tes ntawm pej xeeb, thiab nyob rau xyoo 2025 no, koj lub suab tseem ceeb tshaj txhua zaus. Kev xaiv tsa loj uas yuav los txog rau Hnub Tuesday, Hnub Tim 12 Lub Yim Hli Xyoo 2025, yuav txiav txim seb cov neeg sib tw twg yuav muaj npe nyob rau daim ntawv pov npav nyob rau Lub Kaum Ib Hlis—thiab koj txoj kev koom tes yuav pab kom cov thawj coj uas sawv cev rau peb peb tej txiaj ntsig thiab tej kev ntshaw.

Vim Li Cas Koj Yuav Tsum Pov Npav Rau Qhov Kev Xaiv Tsa Loj?

- ✓ Tsim Qhov Kev Xaiv Tsa: Koj daim ntawv pov npav yuav txiav txim tias cov neeg tuaj sib tw puas yuav tau mus txuas ntxiv.
- ✓ Txhawb Cov Teeb Meem Uas Koj Mob Siab Txog: Hais txog kev kawm ntawv mus rau kev kho mob, kev xaiv tsa no yuav cuam tshuam rau cov cai tseem ceeb.
- ✓ Muab Kev Ruaj Ntseg Rau Peb Txoj Kev Ywj Pheej: Yog muaj ntau tus tuaj pov npav coob txhais tau tias tsoom fwv yuav sawv cev rau cov pej xeeb ntau dua.

Cov Kev Tuaj Mus Pov Npav:

 Mus Pov Npav Tim Ntsej Tim Muag – [Cov chaw pov npav](#) yuav qhib txij thaum 7:00 AM txog 8:00 PM rau hnub xaiv tsa.

 Pov Npav Ua Ntej – Minnesota muaj kev xaiv pov npav ua ntej. Xyuas nrog koj qhov chaw [xaiv tsa hauv zos](#).

 Pov Npav Absentee – Yuav tuaj mus pom npav tsis tau tim ntsej tim muag? Mus thov [daim ntawv pov npav absentee](#).

 [Kev Cuv Npe Tib Hnub Nrog Kev Pov Npav](#) – Tsis tau cuv npe? Minnesota tso cai rau koj cuv npe thiab pov npav tib hnub nrog pov thawj tias koj nyob hauv thaj tsam ntawd.

Tsis txhob cia lub hwj tsam ua tau tej yam zoo rau koj lub zej zog poob mus. Nco sau tseg Hnub Tim 12 Lub Yim Hlis Xyoo 2025, thiab npaj siab mus pov npav!

Yog xav paub ntxiv txog qhov chaw pov npav thiab cov txheej txheem, mus rau [mnvotes.gov](#), hu 877-600-VOTE, los sis xa ntawv hauv xov tooj rau 651-217-3862.

Koj txoj kev mus pov npav tseem ceeb. Cia Minnesota txoj kev tswj hem kev ywj pheej nyob tau ruaj khov!

Cov Ntsiab Lus Pom Zoo Rau Tsa Xov Xwm :

Hnub Xaiv Tsa Loj Hauv Minnesota

Nyob zoo [recipient name],

Lub sij hawm ntawm kev xaiv tsa loj rau xyoo 2025 no los txog ze zuj zus lawm, nws yog ib yam tseem ceeb uas peb txhua leej txhua tus pom txog lub hwj chim uas peb muaj los mus tsim txoj kev ruaj ntseg ntawm peb lub zej zog thiab lub xeev rau yav tom ntej. Minnesota ib txwm nrov npe hais txog kev koom tes ntawm pej xeev, thiab yeej tau zeeg ib hais txog txoj kev pov npav. Xyoo no, cia peb txuas lub koob meej no los ntawm kev koom kev pov npav.

Vim Li Cas Yuav Tsum Mus Pov Npav Rau Qhov Kev Xaiv Tsa Loj?

1. Xaiv Koj Cov Neeg Sawv Cev: Kev xaiv tsa loj yuav txiav txim seb cov neeg sib tw twg yuav muaj npe nyob rau daim ntawv pov npav nyob rau hauv qhov kev xaiv tsa loj thaum Lub Kaum Ib Hlis. Los ntawm kev pov npav rau hauv kev xaiv tsa loj, koj muaj cai xaiv cov neeg uas phim koj tej txiaj ntsig thiab tej kev ntshaw tshaj plaws.
2. Saib Xyuas Cov Teeb Meem Tseem Ceeb: Qhov kev xaiv tsa xyoo 2025 yuav cuam tshuam rau tej teeb meem tseem ceeb hauv peb lub xeev, suav nrog kev kho mob, nyiaj pab kev kawm, thiab kev txhim kho vaj tse. Koj txoj kev pov npav yuav pab kom cov teeb meem no raug daws raws li qhov uas peb lub zej zog xav tau.
3. Muab Kev Ruaj Ntseg Rau Peb Txoj Kev Ywj Pheej: Yog muaj ntau tus tuaj koom pov npav rau hauv kev xaiv tsa loj, tsoom fwm yuav sawv cev ntau dua rau cov pej xeev. Kev koom tes hauv txhua theem ntawm kev xaiv tsa yuav pab ua kom muaj kev ruaj khov rau peb txoj kev tswj hwm kev ywj pheej.

Cov Ntaub Ntawv Tseem Ceeb:

- Hnub Xaiv Tsa Loj: Hnub Tuesday, Hnub Tim 12 Lub Yim Hli Xyoo 2025
- Cov Kev Tuaj Mus Pov Npav:
 1. Mus Pov Npav Tim Ntsej Tim Muag – [Cov chaw pov npav](#) yuav qhib txij thaum 7:00 AM txog 8:00 PM rau hnub xaiv tsa.
 2. Pov Npav Ua Ntej – Minnesota muaj kev xaiv pov npav ua ntej. Xyuas nrog koj qhov chaw [xaiv tsa hauv zos](#) kom paub cov hnub thiab qhov chaw pov npav
 3. Pov Npav Absentee – Yuav tuaj mus pom npav tsis tau? Mus thov [daim ntawv pov npav absentee](#).
 4. Kev Cuv Npe Tib Hnub Nrog Kev Pov Npav – Minnesota tso cai rau koj [cuv npe thiab pov npav tib hnub](#) nrog pov thawj tias koj nyob hauv thaj tsam ntawd.

Yog xav paub ntxiv, mus rau mnvotes.gov, hu 877-600-VOTE, los sis xa ntawv hauv xov tooj rau 651-217-3862.

Koj txoj kev koom tes tseem ceeb heev. Ua ke, peb yuav pab kom Minnesota muaj kev vam meej thiab sawv cev rau txhua tus pej xeev hauv lub xeev. Nco sau hnub tseg thiab npaj siab mus pov npav rau xyoo 2025 qhov kev xaiv tsa loj.

Cov Lus Pom Zoo Rau Social Media:

 Cov neeg nyob Minnesota, koj lub suab tseem ceeb heev! 

Kev xaiv tsa loj rau xyoo 2025 yuav yog rau Hnub Tim 12 Lub Yim Hli, thiab koj daim ntawv pov npav yuav pab txiav txim seb cov neeg sib tw twg yuav mus txuas ntxiv rau qhov kev xaiv tsa loj thaum Lub Kaum Ib Hlis. Qhov no yog lub sij hawm uas koj tuaj yeem pab tsim peb lub xeev rau yav tom ntej thiab cuam tshuam rau cov cai tseem ceeb—kev kawm ntawv, kev kho mob, kev txhim kho vaj tse, thiab ntau yam ntxiv!

- ✓ Mus pov npav tim ntsej tim muag rau Hnub Tim 12 Lub Yim Hli
- ✓ Siv qhov kev xaiv pov npav ua ntej

- ✓ Mus thov daim ntawv pov npav absentee yog tsim nyog
- ✓ Kev cuv npe tib hnuv mus pov npav muaj thiab!

Npaj siab mus pov npav thiab pab kom Minnesota txoj kev tswj hwm kev ywj pheej nyob ruaj khov. Xyuas ntxiv ntawm mnvotes.gov #MNPrimary #Vote2025 #YourVoteMatters

🇺🇸 Minnesota! Kev xaiv tsa loj rau xyoo 2025 yog rau Hnuv Tim 12 Lub Yim Hli – tsis txhob cia lub caij nyoog mus pov npav dhau! 🗳️

- ✓ Xaiv seb leej twg yuav mus txuas ntxiv rau qhov kev xaiv tsa loj thaum Lub Kaum Ib Hlis
- ✓ Pov npav ua ntej, xa ntawv, los sis mus pov npav tim ntsej tim muag
- ✓ Kev cuv npe tib hnuv mus pov npav muaj thiab!

Koj daim ntawv pov npav = Koj lub suab. Ua kom muaj nqes! #MNPrimary #Vote2025 #MinnesotaVotes

🗳️ Minnesota, koj puas tau npaj siab mus pov npav? Kev xaiv tsa loj rau xyoo 2025 yog rau Hnuv Tim 12 Lub Yim Hli, thiab txhua daim ntawv pov npav yuav pab tsim peb lub neej rau yav tom ntej! 🇺🇸

- ✓ Pov npav ua ntej los sis rau Hnuv Xaiv Tsa
- ✓ Siv daim ntawv pov npav absentee yog tsim nyog
- ✓ Tsis tau cuv npe? Tsis muaj teeb meem! Kev cuv npe tib hnuv mus pov npav muaj thiab.

Qhia ib tug phooj ywg thiab npaj siab mus pov npav! 🗳️💪 #MNPrimary #YourVoteYourPower #Vote2025

Kev xaiv tsa loj rau xyoo 2025 rau Hnuv Tim 12 Lub Yim Hli yuav txiav txim seb cov neeg sib tw twg yuav muaj npe nyob rau daim ntawv pov npav thaum Lub Kaum Ib Hlis. Los ntawm kev pov npav hauv kev xaiv tsa loj, koj muaj cai ncaj qha xaiv tus neeg uas sawv cev rau koj lub zej zog hauv cov teeb meem xws li kev kawm ntawv, kev kho mob, thiab kev txhim kho kev lag luam.

- 🗳️ Pov npav ua ntej, tim ntsej tim muag, los sis xa ntawv
- 🗳️ cuv npe tib hnuv mus pov npav muaj thiab!

Kev koom tes hauv zej zog yuav pab kom peb txoj kev tswj hwm kev ywj pheej muaj zog—ua kom koj lub suab raug hnob. Xyuas txog kev pov npav ntawm mnvotes.gov #MNPrimary #CivicEngagement #Vote2025

Kev Pov Npav Ua Ntej

Kev pov npav ua ntej tim ntsej tim muag tam sim no muaj rau txhua tus, thiab ntau tshaj 1.2 lab tus neeg nyob Minnesota tau los siv qhov no nyob rau xyoo 2024.

Cia peb txhawb kom muaj ntau tus neeg xaiv kev pov npav ua ntej hauv cov kev xaiv tsa hauv zos rau xyoo 2025.

Npaj cov lus ceeb toom no kom xa tau rau hnuv los sis nyob ze rau Hnuv Tim 19 Lub Cuaj Hli.

Cov Lus Pom Zoo Rau Tsab Email:

Kab lus: Ua Ib Tus Neeg Mus Pov Npav Ua Ntej

Hnub Xaiv Tsa tseem ceeb heev, tiam sis koj puas paub tias koj tsis tas yuav tos txog hnub ntawd koj thiaj pov tau npav? Kev pov npav ua ntej yog ib txoj kev zoo los pab kom koj daim ntawv pov npav raug suav yam tsis muaj kev ntxhov siab yuav mus ua thib tos ntev mus pov npav los sis muaj lwm yam xwm txheej uas tej zaum yuav tshwm sim rau Hnub Xaiv Tsa.

Yog vim li cas kev pov npav ua ntej tseem ceeb:

✓ **Tsawg Yus Ib Txoj Kev Nyuaj Siab:** Xaiv ib lub sij hawm uas haum rau koj thiab yuav tsis muaj teeb meem.

✓ **Kaj Siab Dua:** Mus pov npav ua ntej thiab zam kom txhob muaj teeb meem cuam tshuam yus.

✓ **Haum Yus Dua:** Txawm yog tias yuav xa daim ntawv pov npav los sis mus pov npav tim ntsej tim muag, txoj kev mus pov npav ua ntej muab ntau txoj kev xaiv rau koj.

Txhua daim ntawv pov npav tseem ceeb, thiab kev npaj siab pov npav ua ntej yuav pab kom koj lub suab raug hnob. Xyuas nrog koj qhov chaw xaiv tsa hauv zos txog qhov chaw pov npav ua ntej thiab cov hnub yuav tsum mus pov npaj ua ntej.

Npaj siab thiab mus pov npav ua ntej!

Koj puas paub tias koj muaj [cai tau sij hawm so mus pov npav](#) txhua lub sij hawm ntawm 46 hnub uas muaj kev pov npav ua ntej?

Cov Lus Pom Zoo Rau Social Media :

🗳️ Koj puas paub tias qee tus neeg twb tau mus pov npav tim ntsej tim muag lawm? [Koj kuj ua tau](#) thiab! #mnvotes

🗳️ Hnov txog kev sib tw txaus lawm los? Ua tus neeg pov npav ua ntej thiab tsis tau mloog lawv ntxiv lawm! [Nov qhia tias yuav ua li cas.](#)



🗳️ Tsis txhob tos nyob ua thib ntev rau Hnub Xaiv Tsa. Mus pov npav ua ntej! [Nov qhia tias yuav ua li cas.](#)

🗳️ Tsis txhob cia ib yam dab tsi los thaiv koj txoj kev mus pov npav. Mus ua hnub no, tag kis, los sis thaum twg ua ntej Hnub Xaiv Tsa. [Nov qhia tias yuav ua li cas.](#)

🗳️ Puas tau txiav txim siab tias yuav pov npav rau leej twg? Ua tus neeg pov npav ua ntej! Koj ua tau tam sim no. [Nov qhia tias yuav ua li cas.](#)

🗳️ Koj puas paub tias koj [muaj cai tau sij hawm so](#) mus pov npav txhua lub sij hawm ntawm 46 hnub uas muaj kev pov npav ua ntej?

Cov Duab Siv Hauv Social Media :



Cov Lus Pom Zoo Rau Daim Ntawv Xov Xwm:

Kev Pov Npav Absentee thiab Kev Pov Npav Ua Ntej Tim Ntsej Tim Muag

Hnub Xaiv Tsa tab tom los txog lawm, tiam sis vim li cas yuav tsum tos? Kev pov npav ua ntej yog ib txoj kev xaiv rau txhua tus neeg nyob Minnesota uas tsim nyog mus pov npav. Koj tuaj yeem mus pov npav ua ntej tim ntsej tim muag los sis xa daim ntawv pov npav uas pib rau Hnub Tim 19 Lub Cuaj Hli. Thiab tam sim no, koj tuaj yeem koom tau hauv daim ntawv teev cov neeg uas yuav tau txais daim ntawv pov npav absentee uas xa tuaj rau ntawm koj lub tsev txhua zaum muaj kev xaiv tsa. Mus rau ntawm mnvotes.gov/absentee kom paub ntxiv.

Vim Li Cas Koj Thiab Yuav Tsum Mus Pov Npav Ua Ntej:

✓ **Tsis Tas Yuav Nyob Tos** – Tsis tas yuav txhawj txog kev ua thib tos mus pov npav rau Hnub Xaiv Tsa.

✓ **Zam Kom Txhob Muaj Teeb Meem Thaum Kawg** – Tsam muaj tej xwm txheej tshwm sim! Ua kom koj daim ntawv pov npav raug suav thiab.

✓ **Muaj Sij Hawm Ntau, Muaj Kev Xaiv Ntxiv** – Muaj ntau lub xeev muaj txoj kev xaiv los mus pov npav ua ntej tim ntsej tim muag thiab xa daim ntawv pov npav.

Kev pov npav ua ntej yuav pab kom tsis muaj ib yam dab tsi thaiv koj txoj cai mus pov npav. Tsis txhob cia mob los sis npaj tsis txhij thaum kawg uas yuav ua rau koj mus pov npav tsis tau. Ua raws li yam 1.2 lab tus neeg nyob Minnesota tau ua nyob rau xyoo 2024: **Mus Pov Npav Ua Ntej!** — txawm yuav xa daim ntawv pov npav los sis mus pov npav tim ntsej tim muag. Mus rau mnvotes.gov kom paub ntxiv txog kev pov npav ua ntej thiab lwm yam ntsiab lus.

Cov ntaub ntawv pab txhawb ntxiv:

[Vote Early, Vote Absentee](#) daim yeeb yaj kiab.

[Vote Early By Absentee](#) daim ntawv qhia tej lus tseeb. Txhawb nqa tsab email nrog cov ntaub ntawv no tso rau hauv chaw so ntawm cov neeg ua hauj lwm. Koj tuaj yeem luam tau tawm koj tus kheej los sis xaj kom luam ntau daim yam tsis tau them dab tsi li; [muab txhais ua 11 hom lus](#).

Npaj Ua Ntej Kom Mus Pov Npav Tau

Kev tshawb fawb qhia tias yog ib tug neeg xav txog ua ntej tias lawv yuav mus pov npav thaum twg, yuav mus li cas, thiab nyob rau qhov twg, ces lawv yeej yuav txiav txim siab mus pov npav tiag. Cia peb pab koj lub zej zog/cov neeg ua hauj lwm los npaj ib txoj kev ua ntej mus pov npav. Npaj cov lus ceeb toom no kom xa tau rau **Hnub Tim 28 Lub Kaum Hli** los sis ze rau hnub ntawd.

Cov Lus Pom Zoo Rau Email:

Kab Lus: Npaj Siab Mus Pov Npav

Nyob zoo[Team/Community/Colleagues],

Tshuav ib lub asthiv ua ntej txog Hnub Xaiv Tsa lawm xwb. Koj tseem muaj sij hawm mus pov npav [ua ntej tim ntsej tim muag](#) txog rau Hnub Tim 3 Lub Kaum Ib Hlis kom txhob tau tos ua thib mus pov npav, mus kom ntov li 20 nas thiv ua ntej, nyaj tsam ho muaj tej yam xwm txheej tshwm sim rau Hnub Xaiv Tsa uas cuam tshuam koj txoj kev pov npav tau.

Yog koj nyiam mus pov npav li qub, *npaj siab mus pov npav*: Sau lub sij hawm koj yuav mus pov npav nyob Hnub Tim 4 Lub Kaum Ib Hlis rau koj daim ntawv teev hnub – tam sim no! [Xyuas kom tseeb tias koj twb cuv npe lawm](#), [nrhiav koj qhov chaw mus pov npav](#) thiab sau nws rau hauv koj daim ntawv teev hnub, thiab xyuas seb dab tsi yuav nyob hauv koj [daim ntawv pov npav](#). Nco ntsoov teem kom nco qab ib hnub ua ntej thiab 30 nas thiv ua ntej koj mus pov npav! Mus rau [mnvotes.gov](#) kom paub ntiv txog kev pov npav.

Cov Lus Pom Zoo Siv Hauv Social Media:

Npaj siab mus pov npav hnub no. Xyuas seb yuav mus qhov twg, li cas, thiab thaum twg ntawm [mnvotes.gov](#). #mnvotes

Cov Duab Siv Hauv Social Media :



Cov Lus Pom Zoo Rau Tsab Ntawv Xov Xwm

Npaj Ua Tus Mus Pov Npav

Hnub Xaiv Tsa yog hais txog koj qhov kev xaiv thiab koj lub hwj chim—ua kom koj npaj txhij! Nov yog txoj hauv kev uas koj tuaj yeem npaj ua tus mus pov npav:

Kev Xaiv 1: Pov npav ua ntej tim ntsej tim muag

Txhob raug xwm txheej cuam tshuam koj txoj kev pov npav rau Hnub Xaiv Tsa, zam kom txhob muaj tej yam tshwm sim, thiab mus pov npav rau lub sij hawm koj khoom. Muaj ntau qhov chaw mus pov npav ua ntej, nrhiav ib qho uas yuav haum rau koj. Mus ua tam sim no los sis teem ib hnub mus pov npav ua ntej!

Kev Xaiv 2: Npaj rau Hnub Xaiv Tsa

Tej zaum yus yuav hnov qab! Teem sij hawm kom koj nco qab mus pov npav, sau tseg qhov chaw

pov npav, thiab xyuas koj daim ntawv pov npav ua ntej. Luam ib daim ntawv tawm, cim seb koj yuav xaiv leej twg, thiab nqa nrog koj kom kev pov npav mus tau yooj yim thiab tsis muaj teeb meem.

Xyoo 2025 yog Xyoo Xaiv Tsa Hauv Zej Zog!

Kev xaiv tsa hauv zej zog muaj feem cuam tshuam txog tsev kawm ntawv, kev ruaj ntseg hauv zej zog, kev txhim kho vaj tse, thiab ntau yam ntxiv. Koj daim ntawv pov npav pab tsim lub neej rau yav tom ntej rau koj lub zej zog—tsis txhob cia lub caij nyoog no dhau mus.

Ua Tus Mus Pov Npav!

Npaj koj txoj kev mus pov npav hnuv no. Muaj lus nug? Mus rau ntawm mnvotes.gov kom paub ntxiv.

Cov ntaub ntawv pab txhawb ntxiv:

Daim yeeb yaj kiab [It's Election Year, Minnesota](#), muaj txhais ua lus [Hmoob](#), [Somali](#) thiab [Mev](#). Muaj cov ntaub ntawv hauv daim ntawv teev txog [Kev Cuv Npe Hnuv Xaiv Tsa](#), [Sij Hawm So Hauv Hauj Lwm Mus Pov Npav](#), thiab [Kev Pab Pov Npav](#). Txhawb nqa tsab email nrog cov ntaub ntawv no tso rau hauv chaw so ntawm cov neeg ua hauj lwm. Luam tawm los ntawm koj tus kheej, [muab txhais ua 11 hom lus](#).

Cov Lus Pom Zoo Rau Tsab Email:

Kab Lus: Ua Kom Koj Lub Suab Nrov – Mus Pov Npav Hnuv No!

Nyob zoo[Team/Community/Colleagues],

Hnuv no yog Hnuv Xaiv Tsa hauv Minnesota! Kev xaiv tsa hauv zej zog yog ib feem tseem ceeb ntawm kev txhim kho peb lub zej zog, thiab koj daim ntawv pov npav tseem ceeb heev. Thaum koj mus pov npav, koj pab txiav txim rau tej teeb meem tseem ceeb thiab kev coj noj coj ua uas cuam tshuam ncaj qha rau peb lub neej txhua hnuv.

Yog tias koj tseem tsis tau mus pov npav, xyuas nrog koj [qhov chaw xaiv tsa hauv zos](#) kom paub ntxiv. Koj kuj tseem hu tau los sis xa ntawv hauv xov tooj mus rau Election Hotline. Hu: 1-877-600-VOTE thiab xa ntawv hauv xov tooj mus rau: 651-217-3862. Cov chaw pov npav qhib 7 moos thaum sawv ntxov mus txog 8 moos tsaus ntuj, yog li tseem muaj sij hawm mus koom!

Yog tias koj twb mus pov npav lawm, ua tsaug uas koj yog ib tus neeg koom tes hauv zej zog. Thov kom koj txhawb koj cov phooj ywg, tsev neeg, thiab cov neeg ua hauj lwm kom lawv mus pov npav thiab!

Txhua daim ntawv pov npav muaj nqes—cia peb ua kom muaj kev hloov pauv ua ke.

Cov Lus Pom Zoo Rau Cov Ntawv Xov Xwm:

 Nco Ntsoov Hnuv Xaiv Tsa: Koj Txoj Kev Mus Pov Npav Muaj Nqis!

 Hnuv Tim: Hnuv Tim 4 Lub Kaum Ib Hlis Xyoo 2025

 Qhov Twg: Cov chaw pov npav thoob plaws Minnesota

Nyob zoo [Community/Team/Colleagues],

Hnuv No Yog Hnuv Xaiv Tsa Hauv Minnesota, thiab koj txoj kev mus pov npav yog ib lub luag hauj lwm tseem ceeb uas yuav pab peb lub zej zog! Kev xaiv tsa hauv zos muaj feem xyuam rau kev txiav txim tseem ceeb txog kev kawm ntawv, kev pab cuam rau pej xeem, thiab kev coj noj coj ua—koj lub suab muaj nqis uas

yuav pab hloov tau ntau yam.

 Xav Paub Txog Kev Mus Pov Npav?

✓ Mus nrhiav koj qhov chaw pov npav: mnvotes.gov

✓ Sij hawm qhib chaw pov npav: Qhib txog 8 moos tsaus ntuj

✓ Dab tsi nyob hauv daim ntawv pov npav? Kawm ntxiv txog [cov neeg sib tw thiab cov teeb meem](#) ua ntej koj mus pov npav.

 Tsis Tau Pov Npav Los Tseem Muaj Sij Hawm!

Mus rau qhov chaw pov npav ua ntej yuav kaw thiab ua kom koj lub suab raug hnov. Yog koj twb mus pov npav lawm, ua tsaug rau koj kev koom tes hauv zej zog. Thov pab qhia koj tsev neeg, phooj ywg, thiab cov uas ua hauj lwm nrog koj nco ntsoov mus pov npav thiab.

Xav tau kev pab? Hu los sis xa xov hauv xov tooj mus rau. Hu: 1-877-600-VOTE thiab sau ntawv hauv xov tooj mus rau : 651-217-3862.

 Pab Qhia Tawm

Txhua daim ntawv pov npav muaj nqis! Qhia cov lus no rau koj lub zej zog thiab pab tsim kom muaj ib pab neeg koom tes thiab paub txog tej yam uas tshwm sim.

Ua tsaug rau koj txoj kev koom tes hauv kev tsim lub neej yav tom ntej hauv Minnesota!

Cov Lus Pom Zoo Tso Rau Social Media:

 Minnesota, hnuv no yog Hnuv Xaiv Tsa! Koj txoj kev pov npav hauv zos muaj feem xyuam rau kev kawm ntawv, kev pab cuam rau pej xeem, & kev coj noj coj ua. Cov chaw pov npav qhib txog [closing time]—ua kom koj lub suab raug hnov! Nrhiav koj qhov chaw pov npav ntawm: mnvotes.gov. #VoteMN #ElectionDay

 Hnuv no yog Hnuv Xaiv Tsa lawm os Minnesota! Koj txoj kev pov npav pab txhim kho peb lub zej zog. Tsis txhob tso lub caij nyoog uas yuav hloov tau ntau yam—mus pov npav ua ntej qhov chaw pov npav kaw!



 Nrhiav koj qhov chaw pov npav: mnvotes.gov

 Twb mus pov npav lawm? Qhia rau ib tug phooj ywg & hais kom lawv nco ntsoov mus pov npav! #GetOutTheVote #LocalElectionsMatter

Hnuv no yog Hnuv Xaiv Tsa hauv Minnesota!  Kev xaiv tsa hauv zos pab txhim kho peb lub zej zog, txij li kev kawm ntawv mus txog kev tsim tej cai. Yog koj tseem tsis tau mus pov npav, tseem tshuav sij hawm! Nrhiav koj qhov chaw pov npav ntawm: mnvotes.gov. Koj lub suab muaj nqis—pab kom nws raug hnov!  #CivicEngagement #VoteMN

 Nco Ntsoov Hnuv Xaiv Tsa!  Minnesota, hnuv no yog hnuv uas koj yuav tsum kom koj lub suab raug hnov!  Kev xaiv tsa hauv zos muaj feem xyuam rau txhua yam txij li tsev kawm ntawv mus txog kev ruaj ntseg ntawm pej xeem. Cov chaw pov npav qhib txog 8 moos tsaus ntuj—tsis txhob tos!

✓ Nrhiav koj qhov chaw pov npav: mnvotes.gov/pollfinder

✓ Paub txog yam nyob hauv koj daim ntawv pov npav: mnvotes.gov/myballot

 Txhua lub suab pov npav muaj nqis—hais rau ib tug phooj ywg kom nco ntsoov mus pov npav! 
#ElectionDay #LocalVotesCount

Hnub Xaiv Tsa

Hnub Xaiv Tsa yog Hnub Tim 4 Lub Kaum Ib Hlis Xyoo 2025, thiab xyoo no muaj kev xaiv tsa hauv zos thoob plaws Minnesota. Pab koj lub zej zog / cov neeg ua hauj lwm / cov kev sib txuas kom paub txog kev koom tes hauv kev xaiv tsa hauv zos rau xyoo no **los ntawm kev xa cov lus ceeb toom no rau Hnub Tim 4 Lub Kaum Ib Hlis Xyoo 2025.**

Cov Cuab Yeej thiab Tswv Yim Txog Kev Tshaj Tawm Ntxiv

Cov Ntaub Ntawv Tseeb

[Factsheets](#) uas yog cov ntaub ntawv uas qhia tej yam tseeb uas qhia txog 13 yam uas muaj nyob hauv cov websites, social media, email, thiab tej ntaub ntawv uas luam tawm tau. Koj muaj peev xwm rub thiab luam cov ntawv kom siv tau. Muaj ntau daim ntawv uas tau muab txhais ua 11 hom lus. Cov ntsiab lus muaj xws li: Yuav Pov Npav Li Cas; Cov Neeg Pov Npav Tshiab; Kev Cuv Npe Hnub Xaiv Tsa; Pov Npav Ua Ntej Los Ntawm Kev Xa Daim Ntawv Pov Npav Absentee; Paub Koj Cov Cai; Sij Hawm Tawm Hauv Hauj Lwm Mus Pov Npav; Kev Pab Rau Cov Neeg Pov Npav; Cov Tub Rog thiab Cov Neeg Xaiv Tsa Nyob Sab Nraud Teb Chaws; Cov Tub Ntxhais Kawm Ntawv Qib Siab; Cov Tub Ntxhais Kawm Ntawv High School; Kev Pov Npav Thaum Muaj Kev Teeb Txim; Kev Xaiv Tsa Loj (Primary Election); Cov Caucuses Hauv Cheeb Tsam (Precinct Caucuses); thiab Cov Tub Ntxhais Kawm Nyob Sab Nraud Teb Chaws; Qhov Tshiab Rau Xyoo 2023; Kev Xaiv Tsa Cov Sib Tw Ua Nom Rau Teb Chaws

Kev Koom Los Ntawm Tus Secretary of State thiab Kev Sib Tham Ntawm Cov Neeg Ua Hauj Lwm

Thov xav txog kev koom tes mus pov npav los ua ib qho kev sib sau hauv zej zog, kev sib raug zoo, los sis kev sib tham hauv chaw ua hauj lwm rau lub caij nplooj zeeg no. Cov neeg ua hauj lwm ntawm OSS pab tsim tau ib qho kev pab cuam, thiab Secretary Simon kuj yuav muaj sij hawm tuaj koom cov kev sib sau nyob thoob plaws Minnesota. Tiv tauj Melanie Hazelip ntawm: melanie.hazelip@state.mn.us, 612-327-1621 kom teem sij hawm nrog Secretary Simon kom tuaj koom tau thiab.

Puas Tau Xav Tias Yuav Ua Ib Qho Kev Qhia Txog Kev Pov Npav 101 Nrog OSS

Kev Pov Npav 101 yog ib txoj hauv kev zoo los qhia cov ntaub ntawv tseem ceeb txog kev xaiv tsa rau koj lub zej zog. Feem ntau lawv siv sij hawm ib xoj moos thiab muaj sij hawm rau kev nug thiab teb lus, thiab cov ntsiab lus tuaj yeem yog txhua yam uas muaj feem xyuam rau kev pov npav thiab kev xaiv tsa uas koj xav tias yuav phim koj cov neeg tuaj mloog tshaj plaws. Kev Pov Npav 101 qhia los ntawm Melanie Hazelip thiab muaj peev xwm ua tau nyob hauv online los sis tim ntsej tim muag rau ib qho chaw tuaj koom. Yog xav teem sij hawm koom ib qho kev qhia Kev Pov Npav 101, tiv tauj melanie.hazelip@state.mn.us, 612-327-1621.

Cov Yeeb Yaj Kiab

Qhia cov yeeb yaj kiab no rau hauv cov websites, social media, email, lwm yam kev sib txuas lus hauv online, cov vij tsam saib hauv tsev, thiab thaum muaj kev sib sau.

- **"It's Election Year, Minnesota!"** (2 nas thiv) — Yog ib daim yeeb yaj kiab pab qhia rau cov neeg pov npav txog kev xaiv tsa. Muab txhais ua lus [Hmoob](#), [Somali](#) thiab [Mev](#).
- **"Vote Early, Vote Absentee!"** (1 nas thiv 30 vib nas thiv) — Yog ib daim yeeb yaj kiab uas qhia cov neeg pov npav txog kev pov npav absentee.
- **"Get Ready to Vote!"** (30 vib nas thiv) — Yog ib daim yeeb yaj kiab uas qhia dav dav txog cov cuab yeej pab rau cov neeg pov npav. Muab txhais ua lus [Hmoob](#), [Somali](#) thiab [Mev](#).

Lub Sij Hawm Tshwj Xeeb

- Xav txog tej tswv yim tshiab los txhawb kev koom tes hauv zej zog thiab kev pov npav.
 - Ntxiv [cov hnub xaiv tsa](#) rau ntawm lub vij tsam nkag rau hauv computer
 - Muab [cov ntaub ntawv tseeb](#) tso rau ntawm lub rooj tshaj xo
 - Muab [cov ntaub ntawv tseeb](#) tso rau hauv chav so
 - Tso koj cov duab thaum koj mus pov npav.
 - Nug koj lub zej zog kom qhia txog thawj zaug uas lawv tau mus pov npav
 - Tsim ib qhov website me me txog kev pov npav

Cov Lus Qauv Uas Muaj Ntxiv Rau Email, Social Media Posts, thiab E-Newsletters

Tej zaum koj lub zej zog los sis tuam txhab yuav xav tau kev sib txuas lus txog ib qho kev pov npav tshwj xeeb. Nov yog qee yam lus txog kev pov npav uas koj yuav xav tau txog. Koj nrhiav tau cov duab loj npaj txhij siv rau social media los sis email [ntawm no](#).

Koj yuav nrhiav tau cov ntaub ntawv ntxiv txog cov ntsiab lus no thiab ntau yam ntxiv ntawm [mnvotes.gov](#). Yog koj xav tau kev pab txog ib qho ntsiab lus tshwj xeeb los sis kev piav qhia meej txog ib lo lus nug hais txog kev pov npav, thov tiv tauj Melanie Hazelip: melanie.hazelip@state.mn.us, 612-327-1621

- Kev Cuv Npe Pov Npav – Yog koj yog neeg tshiab tuaj nyob Minnesota, nyuam qhuav tsiv mus nyob lwm qhov chaw hauv Minnesota, tsis tau mus pov npav tau tshaj 4 xyos lawm, los sis yog yuav mus pov npav thawj zaug, koj yuav tsum cuv npe ua ntej koj mus pov npav. Koj muaj peev xwm cuv npe tau rau Hnub Xaiv Tsa, tiam sis nws yuav pab koj txuag sij hawm yog koj ua tiav kev cuv npe ua ntej Hnub Tim 15 Lub Kaum Hli Xyoo 2023.
 - [Cuv npe pov npav online](#).
 - [Luam tawm daim ntawv cuv npe](#) thiab muab xa mus
 - Yog koj npaj siab yuav [cuv npe rau Hnub Xaiv Tsa](#), npaj kom zoo!
 - Cov hluas hnub nyoog 16 thiab 17 xyos muaj peev xwm [cuv npe ua ntej tau](#)
 - Koj muaj peev xwm mus pov npav tau txawm yog koj muaj [teeb meem raug txim](#), tsuav yog koj tsis raug kaw hauv tsev loj cuj nyob rau lub sij hawm ntawd.
- Cov Tub Rog thiab lawv tsev neeg yog tias nyob deb ntawm tsev:
 - [Thov koj daim ntawv pov npav absentee](#) tam sim no.
 - Xa rov qab koj daim ntawv pov npav absentee raws [cov hnub uas pom zoo no](#)
- Xav pov npav Absentee? [Nov nws qhia yuav ua li cas](#).
 - Yog ua hauj lwm nyob lwm lub xeev los sis yuav tsis nyob hauv tsev:
 - [Mus pov npav tim ntsej tim muag](#) ua ntej koj yuav mus.
 - [Xa daim ntawv pov npav absentee](#)
 - Yog ua hauj lwm los sis mus ncig txawv teb chaws:
 - [Mus pov npav tim ntsej tim muag](#) ua ntej koj yuav mus.
 - [Thov daim ntawv pov npav absentee rau cov neeg nyob txawv teb chaws](#).
- Kev Pov Npav Absentee Los Ntawm Mail Tsis Tas Muaj Laj Thawj
 - Tam sim no koj tsis tas yuav muaj laj thawj los thov daim ntawv pov npav absentee. Txhua tus neeg pov npav tsim nyog muaj peev xwm [thov tau daim ntawv pov npav absentee uas xa tuaj rau koj ntawm tsev](#)
- Kev Pov Npav Ua Ntej
 - Cov neeg pov npav tam sim no tsim nyog muaj peev xwm pib pov npav li 46 hnub ua ntej Hnub Xaiv Tsa ntawm cov chaw pov npav uas teev tseg rau [kev pov npav ua ntej](#)
 - Tam sim no koj muaj cai tau tawm hauv hauj lwm mus pov npav thaum twg los tau nyob rau hauv lub sij hawm 46 hnub uas tso cai rau kev pov npav.
- Kev Cuv Npe Thaum Mus Pov Npav Rau Hnub Xaiv Tsa
 - Yog koj npaj siab yuav cuv npe thaum mus pov npav rau Hnub Xaiv Tsa, koj yuav tsum muaj [cov ntawv pov thawj qhia txog koj tus kheej](#). Muaj ntau txoj kev xaiv.
- Nrhiav Koj Qhov Chaw Pov Npav
 - Tsis paub tseeb tias koj yuav mus pov npav rau qhov chaw twg? [Nrhiav koj qhov chaw pov npav](#) tam sim no!
- GOTV
 - Kev pov npav tseem ceeb! Nws yog lub hauv paus ntawm peb txoj kev tswj hwm. Nws yog ib txoj hauv kev tseem ceeb uas koj tuaj yeem koom nrog hauv kev tswj hwm raws kev ywj pheej thiab ua rau koj lub suab raug hnov. Thiab qee zaum, koj lub suab pov npav yeej txiav txim tau rau

ntawm qhov kev xaiv tsa—tej zaum xyoo no yuav yog li ntawd. [Tshuaj xyuas seb koj puas tau cuv npe](#), [nrhiav koj qhov chaw pov npav](#), [xyuas koj daim ntawv pov npav](#). Ua ib tus neeg pov npav!

- Kev Ruaj Ntseg thiab Kev Ncaj Ncees Hauv Kev Xaiv Tsa
 - Kev xaiv tsa hauv Minnesota yog ib qho uas muaj kev nkag tau yooj yim, muaj kev nyab xeeb, thiab muaj kev ruaj ntseg.
 - [Mus saib peb qhov website](#) tshiab kom paub cov lus tseeb txog kev xaiv tsa, thiab pom tias peb paub li cas tias kev xaiv tsa hauv Minnesota yeej muaj kev ncaj ncees, raug, thiab muaj kev ruaj ntseg
 - Lwm lub teb chaws tau sim nkag mus cuam tshuam peb qhov kev xaiv tsa nyob rau xyoo 2016, tiam sis peb twb pom qhov kev phom sij ntawd thiab muab qhov teeb meem ntawd daws ua ntej lawm .
 - Cov thawj coj txawj ntse ntawm tsoom fwm teb chaws thiab cov tub ceev xwm saib xyuas kev cai lij choj tau sim tshuaj xyuas seb lawv nkag puas tau mus cuam tshuam txog Minnesota cov kev xaiv tsa. Peb hos xeeb qhov no dhau lawm thiab.
 - Minnesota zoo siab tias tseem siv txoj kev qub—peb siv daim ntawv pov npav kom koj paub tseeb tias koj daim ntawv pov npav tau coj los muab suav lawm, suav kom raug, thiab khaws tau cia yog tias xav tau rau yav tom ntej.

Cov Tswv Yim Tso Rau Social Media—

- **Hnub Tim 19 Lub Cuaj Hli – Muaj Cov Ntawv Pov Npav Absentee**
Txuag sij hawm rau Hnub Xaiv Tsa thaum nyob kaj siab hauv koj lub tsev—[pov npav ua ntej los ntawm kev xa ntawv los sis mus pov npav tim ntej tim muag](#). #mnvotes
- **Hnub Tim 16 Lub Cuaj Hli – Hnub Cuv Npe Ua Neeg Pov Npav Hauv Teb Chaws**
Txhua qhov kev cuv npe yog ib kauj ruam mus rau kev tswj teb chaws kom muaj zog dua. [Mus cuv npe hnub no](#). #mnvotes
- **Hnub Tim 7 Lub Kaum Hli – Ib Lub Asthiv Ua Ntej txog Hnub Kawg Cuv Npe Ua Ntej**
Koj muaj peev xwm [cuv npe online](#) pov npav mus txog rau hnub tim 15 Lub Kaum Hli. #mnvotes
- **Hnub Tim 28 Lub Kaum Hli – Ib Lub Asthiv Mus txog Hnub Xaiv Tsa**
Npaj mus pov npav thiab koom tes kom peb lub neej yav tom ntej zoo tshaj no. [Mus ntawm no](#) kom nrhiav tau qhov chaw koj yuav mus pov npav, lub sij hawm, thiab tej yam koj yuav tsum muaj rau txoj kev cuv npe rau Hnub Xaiv Tsa. #mnvotes

Cov Duab

[Ntawm nov](#) koj yuav nrhiav tau cov duab loj uas siv tau rau hauv social media los sis hauv email. Koj muaj cai tso cov duab kos no rau hauv koj cov kev sib txuas lus.



Did you know?

In Minnesota, **you have the right to vote if you are in line before 8 p.m.**



FREEDOM TO VOTE

I CAN VOTE

Now available to all who have left prison behind.

Office of the Minnesota Secretary of State

mnvotes.gov



Your vote, your voice.

16- and 17-year-olds can now preregister to vote.

mnvotes.gov/register

Did you know?

In Minnesota, *you have a right to take time off work to vote* without losing your pay, personal leave, or vacation time.

 **mnvotes.gov**



Yog koj muaj lus nug, thov hu rau [Melanie Hazelip](mailto:melanie.hazelip@state.mn.us): 612-327-1621, melanie.hazelip@state.mn.us

